


TEZAU LITURGIC
4 OCTOMBRIE

SLUJBA
SF. DESPOT-MUCENIC
ȘTEFAN
STILIANOVICI
AL SERBIEI



SERBLIAK, BELGRAD, 1861



Мѣсяца Окто́врія въ 4-й дѣнь Па́мьятъ свѣтаго и пра́веднаго кня́зя Стефа́на Щиля́новича

НА МАЛЪЙ ВЕЧЕРНИ,

[На Го́споди воззва́хъ:] **стихи́ры, гласъ 1.**

Подобѣнь: Всехва́льнии мученицы.

Стефа́не свѣте, свѣше отъ сѣя́нїя зарю́ прїе́мь
и крило́ма возвы́сився богоразу́мїя,
добродѣ́тельно течѣ́нїе сконча́лъ еси́, и въ земли́
кроткихъ водворя́яся, Христу́ всегда́ моли́ся,
дарова́ти душа́мъ на́шимъ ми́ръ и ве́лю
мило́сть. **[Два́жды.]**

Стефа́не преподо́бне, все́ умное желаніе къ
Бо́гу вперивъ и Тому́ любовію присво́ився,
разу́мно жи́знь твою́ прешѣ́лъ еси́, и по кончи́нѣ
дѣла́ твоя́ уясни́лъ еси́, и цѣ́льбы мно́гія пода́лъ
еси́, тѣмже моли́ся непреста́нно, дарова́ти
душа́мъ на́шимъ ми́ръ и ве́лю мило́сть.

Стефа́не прехва́льне, Свѣ́томъ Трисо́лнечнымъ
просвѣ́щаемъ и ре́вностію Боже́ственною
разжига́емъ, вѣне́ць исплѣ́лъ еси́ нищепита́ніемъ,
и багряни́цу оброщивъ житоразда́ніемъ, и ны́нѣ
сѣхъ прїе́мля мздовозда́ніе, непреста́й моля́ся о
на́съ ко Го́споду, е́же просвѣ́тити ду́ши на́ша.

Слава, гласъ 1:

Всесвято́е торжествó пáмяти твоея́, преподо́бне, я́коже со́лнце вéлие возсія́вше свѣ́тло, озаря́етъ и просвѣ́щаетъ всѣ́хъ, благоче́стно соверша́ющихъ ю́, сего́ ра́ди припада́юще, вопіе́мъ ти́, Стефа́не, я́ко имѣ́я дерзнове́ніе ко Спа́су Христу́, сохраня́й моли́твами твоими́ отъ безбо́жныхъ наси́лія и озлобле́нія, вѣ́рою къ тебѣ́ притека́ющія и любóвію восхваля́ющія тя́.

И нынѣ, богородиченъ:

Свята́я Богороди́це, спаси́ насъ, Яже Пресвята́го ро́ждши плóтию, уподо́битися Восхотѣ́вша чело́вѣкомъ: небéснаго житія́ всѣ́хъ покажи́, Пречи́стая, прича́стники, моли́твами Твои́ми.

На стиховнѣ стихиры, гласъ 2. Подобенъ:

До́ме Евфра́вовъ.

До́мъ ни́щимъ отверза́я, и отвсю́ду добродѣ́тель собира́я, Стефа́не, добро́то невѣ́домая.

Стихъ: Расточи́, даде́ убо́гимъ, пра́вда его́ пребыва́етъ [во вѣ́къ вѣ́ка].

Вла́сть земну́ю презира́я, у́мъ къ цѣ́ломудрію собира́я, Стефа́не, Трои́цы жили́ще.

Стихъ: Блаженъ мужъ, бояйся Господа, въ заповѣдехъ Его [восхощетъ зѣло].

Житницы расточая и жизнь приѣмля, нагя одѣвая и одежду нетлѣнія взыскуя, Стефане, свѣтлая похвало.

Слава, и нынѣ, богородиченъ:

Владычице всѣхъ вѣрныхъ и Заступнице, сомолебника приѣмши Стефана, не перестаите о насъ молящеся.

Тропарь, гласъ 4:

На земли въ премудрости славу стяжалъ еси, богатство Господеви твоему вручилъ еси, и Той тя съ небесными водворяетъ, тѣло твое на земли, святе, сохрани невредимо: ты бо въ цѣломудрии и чистотѣ житіе праведно пожилъ еси, тѣмъ со дерзновѣніемъ моли спастися намъ.

Слава, и нынѣ, богородиченъ:

Еже отъ вѣка утаенное, [и ангеломъ несвѣдомое таинство: Тобою, Богородице, сущимъ на земли явися, Богъ въ неслитномъ соединеніи воплощаемъ, и крестъ волею насъ ради воспріимъ, имже воскресивъ первозданнаго, спасе отъ смѣрти души наша].

НА ВЕЛИЦЪЙ ВЕЧЕРНИ,

Блаже́нь му́жъ..., **1-й антифо́нь.** [На Го́споди
воззва́хъ:] **стихи́ры на 8, гла́сь 1. Подо́бенъ:**
Небе́сныхъ чино́въ.

Звѣзда́ свѣ́тлая яви́лся еси́, умиле́нiя
исто́чникъ и любве́ преиспо́лненъ, кро́токъ,
ми́лостивъ и нищелюби́въ, сокрово́ище
благосты́ни неисто́щiмое, житiе́ богоуто́дно и
вѣра́ непосты́дна, наде́жда честна́я и му́дрость
правосла́вна. **[Два́жды.]**

Чудно́ пребыва́нiе имѣ́ль еси́, Стефа́не
преподо́бне, дре́внихъ и но́выхъ подража́я
добродѣ́тльми: Авраа́ма страннолю́бию и Ио́сифа
житоразда́нiю, Iова́ ми́лостынямъ и Корни́лiя
моли́твамъ, тѣмже и по кончи́нѣ неутаи́шася
твоя́ исправле́нiя, Го́споду сохрани́вшу тя́ цѣ́ла,
неруши́ма.

Умъ́ тво́й просвѣ́щенъ́ Боже́ственнымъ
разумѣ́нiемъ и се́рдце твоѐ́ жили́ще Пресвята́го
Ду́ха бы́сть, душе́вныя плоды́ усугуби́ль еси́:
вѣру́ благочестиву́ и любовь́ нелицемѣ́рну,
сего́ ради́ имѣ́я дерзнове́нiе ко Го́споду, лю́тыхъ
обстоя́нiй изба́ви насъ моли́твами твоими́.

Ины́ стихи́ры, гла́сь 2. Подо́бенъ: Егда́ отъ
дре́ва.

Егда́ смотре́нiемъ Вы́шняго отъ чре́ва ма́терня
роди́лся еси́, тогда́ добродѣ́телей вмѣсти́лище

показа́лся еси́, благовѣ́рія млеко́мъ воспита́вся и ба́нею креще́нія просвѣ́тився, Ду́ха Свята́го благода́ть въ тя́ всели́ся и у́мъ тво́й луче́ю богоразу́мїя уясни́ся. Сего́ страхомъ одержи́мъ, вре́меннымъ жи́тельствомъ себѣ невре́дилъ еси́, Стефа́не досто́блаже́нне. **[Два́жды.]**

Егда́ вла́сти вре́менныя са́нь воспри́ялъ еси́, тогда́ о бу́дущихъ до́брѣ́ разумѣ́лъ еси́, скрѣ́пшаго раба́ тала́нтъ изрече́нія убоя́вся, и тебѣ́ вруче́ный мно́жае Влады́цѣ́ тво́ему воздѣ́лалъ еси́, ни́щїя лю́бя и а́лчу́щїя насыща́я, ми́лостыня́мъ внима́я и моли́твы умиле́ние къ Бо́гу возсыла́я, сего́ ра́ди и въ черто́зѣ́ небеснѣ́мъ съ пра́ведными водворя́еши́ся, Стефа́не, честна́я похва́ло.

Егда́ во гробѣ́ честно́е тво́е тѣ́ло положи́ся, тогда́ манове́ниемъ Боже́ственнымъ невре́димо соблюде́ся и луче́ю небесно́ю облиста́емо яви́ся, и сего́ зрѣ́ниемъ мно́ги ужаси́. Отъ земли́ же изно́симо, я́ко сокрови́ще многоцѣ́нно, благоуха́нія мѣ́ро сла́дкое подае́тъ, во хра́мъ Богома́тере положенно́ бы́вшее, цѣ́льбы мно́ги показу́еть и отъ челове́къ неду́ги отгоня́еть, тѣ́мже па́мьять твою́ ра́достью́ торжеству́емъ, Стефа́не, уго́днице Христо́въ.

Слава, гласъ 4:

Приидите вси, цѣломудрія рачителие, псалмы и пѣсньми Спасу Христу воспоймъ, давшему благодать и умилѣніе Стефану, цѣломудрія любителю, временными вѣчная измѣнити, и плоды земными вышнее Царство воспріяти, тѣмже къ нему возопіемъ: Стефане, преподобныхъ удобрѣніе, и праведныхъ похвало и украшеніе, съ нимиже непрестай моляся Христу Богу, о иже вѣрою творящихъ всесвятую память твою, успѣнія и пренесѣнія.

И нынѣ, богородиченъ:

Иже Тебѣ ради богоотець пророкъ Давидъ пѣсенно о Тебѣ провозгласи, величія тебѣ Сотворшему: предста Царица одесную Тебѣ. Тя бо Матерь, Ходатаицу живота показа, безъ отца изъ Тебѣ вочеловѣчится благоволивый Богъ, да Свой паки обновить образъ, истлѣвшій страстьми, и заблудшее горохищное обрѣтъ овча, на рамо воспріимъ, къ Отцу принесеть, и Своему хотѣнію, съ небесными соединить силами, и спасеть, Богородице, мѣръ, Христось имѣяй велию и богатую милость.

Входъ. Прокимень дне и чтенія.

Втораго закона чтеніе. [Глава 10.]

Во днѣхъ онѣхъ рече Моисей къ сынѣмъ Израилевымъ: се Господа Бога твоего небо, и

Небо небесе́, земля и вся, елика́ сѹть на ней. Оба́че отцы́ ва́ша произво́ли Госпо́дь люби́ти я́ и избра́ сѣ́мя ихъ по нихъ, ва́сь, па́че всѣ́хъ язы́къ, въ де́нь се́й. И обрѣ́жите жестосе́рдие ва́ше и выи́ ва́шея не ожесточите́ ктому́. Ибо Госпо́дь Бо́гъ на́шъ, Се́й Бо́гъ бого́въ и Госпо́дь господе́й; Бо́гъ Вели́кій, и Крѣ́пкій, и Стра́шный, Иже не диви́тся лицу́, ниже́ взѣ́млетъ да́ръ. Творя́й сѹдь пришѣ́льцу, и сиротѣ́, и вдовѣ́, и лю́битъ пришѣ́льца, да́ти ему́ хлѣ́бъ и ри́зу. И возлю́бите пришѣ́льца, пришѣ́льцы бо бѣ́сте въ земли́ Египетстѣ́й. Го́спода Бо́га твоего́ да убойши́ся, и Тому́ еди́ному послу́жиши, и къ Нему́ прилѣ́пиши́ся, и и́менемъ Его́ клене́ши́ся. Той хвала́ твоя́, и Той Бо́гъ тво́й, Иже сотвори́ тебѣ́ вели́кая и сла́вная сія́, я́же ви́дѣста о́чи твои́.

Премѹдрости Соломо́новы чтѣ́ние.

[Глава́ 5 и 6.]

Пра́ведницы во вѣ́ки живу́тъ, и въ Го́сподѣ́ мзда́ ихъ, и попече́ние ихъ у Вы́шняго. Сего́ ра́ди при́муть ца́рствіе благолѣ́пія и вѣ́нецъ добро́ты отъ ру́ки Го́сподни, зане́ десни́цею покры́етъ я́ и мышцею за́щититъ ихъ. При́метъ всеору́жіе — рвѣ́ние свое́ и воору́житъ тва́рь въ ме́сть враго́мъ. Облече́тся въ броня́ правды́ и возложитъ шле́мъ — сѹдь нелицемѣ́ренъ. При́метъ щитъ непобѣ́димый — преподо́бие, поостри́тъ же напрасный гнѣ́въ — во ору́жіе,

спобореть же съ нимъ мѣръ на безумныя. Пойдутъ праволучныя стрѣлы молниины и, яко отъ благокругла лука облаковъ, на намѣреніе полетятъ, и отъ каменомѣтныя ярости исполнь падутъ грады. Вознегодуетъ на нихъ вода морская, рѣки же потопятъ я нагло. Сопротивъ станетъ имъ дѣхъ силы и, яко вѣхоръ, развѣетъ ихъ, и опустошитъ всю зѣмлю беззаконіе, и злодѣйство превратитъ престолы сильныхъ. Слышите убо, царіе, и разумѣйте, навѣкните, судіи концевъ земли. Внушите держащии множества и гордящися о народѣхъ языковъ, яко дана естъ отъ Господа держава вамъ и сила отъ Вышняго.

Премудрости Соломоновы чтеніе. [Глава 4.]

Праведникъ, аще постигнетъ скончатися, въ покой будетъ. Старость бо честна не многолѣтна, ниже въ числѣ лѣтъ исчитается. Съдина же естъ мудрость человекомъ, и возрастъ старости — житіе нескверное. Благоугоденъ Богови бывъ, возлюбленъ бысть, и живый посреде грѣшникъ, преставленъ бысть. Восхищенъ бысть, да не злоба измѣнитъ разума его или лѣсть прельститъ душу его. Раченіе бо злобы помрачаетъ добрая и пареніе похоти, премѣняетъ умъ незлобивъ. Скончався вмалѣ, исполни лѣта долга, угодна бо бѣ Господеви душа его, сего ради потщася отъ среды лукавствія. Людіе же видѣвше и не

разумѣвше, ниже положше въ помышленіи таковое, яко благодать и милость въ преподобныхъ Его и посѣщеніе во избранныхъ Его.

На литіи стихиры самогласны, гласъ 1:

Составимъ ликъ божественный днесь, вѣрнии, и согласно, радуящися, воспоймъ Стефана праведнаго честную паметь, любовію прикасающися ковчегу честнаго тѣла, токи исцѣленій отъ него приѣмлюще и хвалу благодарственную Господеви возсылающе, таковое сокровище намъ подавшу, цѣлебныя мощи Своего угодника, Стефана преподобнаго.

Люди, томимыя гладомъ зѣльнымъ, препиталь еси отъ твоихъ сокровищъ, преподобне, якоже древле Іосифъ во Египтѣ цѣломудрствовавъ, тѣмже онъ отъ сродникъ познанъ бысть, твоя же добродѣтели дальнимъ и ближнимъ явишася: тѣломъ бо цѣль и нерушимъ въ земли лѣты довольными пребылъ еси, и маніемъ Вседѣтеля во гробъ объявляемъ, присѣдящія близъ гроба агаряни, ужасилъ еси, и благоуханьи мощей всѣхъ удивилъ еси и отъ человекъ болѣзни отгналъ еси, сего ради паметь твою торжествуемъ и любовію вопіемъ: Стефане, преподобныхъ сожителю, съ ними непрестанно моли Христа Бога сохранить паству, юже стяжа.

Гласъ 3:

Власть и добродѣтель мѹдре совокупивъ, настоящая презирая, къ будущимъ умъ простирая, желаніемъ прославляеши Господа. Псалмопѣнія злѹо испытѹя и отъ Сего умиленія приѣмля, правду вельми взыскѹя, неправду же, пророчески, возненавидѣль еси, тѣмже и въ праведныхъ кровѣхъ водворяяся, Стефане преподѹбне и блаженне, непрестанно молися о насъ ко Господу.

Гласъ 4:

Во обрѣтеніи честнаго тѣла твоего странно чѹдо видѣно бысть, свѣту небесному свѣше облиставшу, твоя многія добродѣтели являющу: быстротѹ умную и доблесть душевную, сердце умилено и совѣсть боголюбиву, нравъ милостивъ и нищепитательство, Стефане преподѹбне, служителю Святыя Троицы, Ейже непрестанно молися, низпослати любовію хвалящимъ тя, грѣховъ оставленіе и печали избавленіе.

Слава, гласъ 6:

Свѣтло днесь Сѣрбская Церковь красѹется, во псалмѣхъ и пѣснѣхъ Спасу Христу вопіюще: столпы незыблемыя и подпоры крѣпкія своя восхваляющіи, Симеона преподѹбнаго и Савву священнаго, имиже освобожденна отъ еретическаго помраченія, просія лучею

Православія, сего ради почитаемъ своя пастыреначальники, и съ ними Стефана праведнаго память молебную совершаючи, хвалится, цѣлебныя мѡщи его въ себѣ имущи, яко сокровище многоцѣнное и паче камене сапфира.

И нынѣ, богородиченъ:

Преложѣніе скорбящихъ, премѣненіе болящихъ еси, Богородице Всепѣтая, спаси градъ и люди, боримыхъ умирѣніе, обуреваемымъ тишина, едина Предстательнице вѣрныхъ.

На стиховнѣ стихиры, гласъ 5. Подобенъ:

Радуйся.

Радуйся, Стефане преподобне, радостію неизглаголанною, еяже сподобился еси отъ Вѣнцеподателя Христа Господа, Егоже отъ юности злѡ возлюбилъ еси, и желаніемъ вседушно присвоился еси, дѣлы добродѣтельными и молитвою умиленною, рукою податливою и нравомъ боголюбивымъ. Тѣмже нынѣ водворяяся съ лики преподобныхъ, съ нимиже молися Господеву, отъ напасти избавитися намъ.

Стихъ: Расточи, даде убогимъ, [правда его пребываетъ во вѣкъ вѣка].

Ра́дуйся, Стефа́не му́дре, ра́дованія вѣнцѣмъ украсився и богоразумія му́дростію обогатився, хра́бростію чу́денъ явился еси́, инопле́мєнныя дивно побѣжда́я и непобѣди́мъ отъ си́хъ пребыва́я. Не на ору́жіе бо когда́ упова́ль еси́, но десни́цею Вы́шняго укрѣпляе́мъ, и моли́твы, я́ко щить, имѣ́я, ми́лостыни, я́ко хоругвы́, воздвиза́я, вѣ́ру же благочесті́ву па́че си́хъ умножа́я, тѣмже моли́ся Го́сподеви, спасти́ся душа́мъ на́шимъ.

Стихъ: Блаже́нъ му́жъ, [боя́йся Го́спода, въ заповѣ́дехъ Его́ восхо́щетъ зѣ́ло].

Ра́дуйся, Стефа́не, честна́я похвало́, вѣ́рою воспѣ́вающихъ святу́ю па́мь твою́ и любви́ю кланя́ющихся ра́цѣ мо́щей твои́хъ, цѣ́льбы́ недуго́въ отъ ни́хъ прие́млюще и хвалу́ благодарственну́ю Христу́ Бо́гу возсыла́юще, такую́ благода́ть на́мъ да́рующе, Ему́же съ весѣ́ліемъ предсто́я, непреста́й на́съ поми́ная, во е́же спасти́ ду́ши на́ша.

Сла́ва, гла́съ 8:

Пра́здникъ ра́достенъ любви́ю соверша́емъ и пѣ́сньми доброхва́льными воспой́мъ, вѣ́рнии, — па́мь бо пра́веднаго съ похвалами́ и благослове́ніе Го́сподне на гла́вѣ́ его́, — пра́веднаго и треблаже́ннаго Стефа́на преподо́бнаго, е́же воспри́я вѣ́рою и добродѣ́телію: ду́хомъ всѣ́мъ пра́веднымъ

веселіемъ сликовству́еть и тѣломъ цѣль и
нерушимъ во храмъ Богоматере положи́ся, съ
Неюже непрестанно мо́лится о всѣхъ насъ.

И нынѣ, богородиченъ:

Небѣсная пою́тъ Тя, Обра́дованная Ма́ти
Безневѣ́стная, и мы́ славосло́вимъ
неизслѣ́дованное Твое́ Рожде́ство, Богоро́дице:
моли́ спасті́ся душа́мъ на́шимъ.

**На благословѣніи хлѣбовъ: Тропа́рь свята́го,
два́жды [пи́санъ на ма́лѣй вечерни] и
Богоро́дице Дѣво.., еди́ножды.**

НА УТРЕНИ,

**[На Бо́гъ Госпо́дь: Тропа́рь свята́го, два́жды.
Сла́ва, и нынѣ, богородиченъ.]**

**По 1-й каѳісмѣ съда́ленъ, гла́съ 1. Подо́бенъ:
Ка́мени запеча́тану.**

**На ка́мени недви́жимомъ вѣры, разу́мныя но́зѣ
крѣ́пко утверди́въ, богому́дре, и бу́ря
житѣ́йскаго волне́нія ника́коже поколеба́ твоего́
смышле́нія, но немóкренно сію́ прешель еси́, къ
Бо́гу любви́ю присво́ився, Ему́же нынѣ
предсто́я, радостно зове́ши: сла́ва благоутро́бію
Твоему́, Спа́се, сла́ва ца́рствію Твоему́, сла́ва
смотре́нію Твоему́, еди́не
Человѣ́колю́бче. [Два́жды.]**

Сла́ва, и ны́нѣ, богоро́диченъ:

Ру́цѣ Твоѣ́ божѣ́ственни́и, и́миже Зижди́теля носи́ла еси́, **Дѣ́во** Пречи́стая, воплоще́ннаго благода́тию, простѣ́рши, моли́ Его́ изба́вити на́съ отъ напа́стей, страсте́й и бѣ́дъ, восхваля́юще Тя: сла́ва Всель́шемуся въ Тя́, сла́ва Проше́дшему изъ Тебе́, сла́ва Свобо́дившему на́съ рождество́мъ Свои́мъ.

По 2-й стихоло́гии съда́ленъ, гла́сь 3.

Подобѣнь: Красотѣ́ дѣ́вства.

Красота́ми боголѣ́пнаго жити́я и добро́тами твоего́ цѣ́ломудри́я, а́нгелы удиви́ль еси́ и челове́ки возвесели́ль еси́, сего́ ра́ди сме́рть яви́ся тебѣ́ поко́й, и на непреста́нное весе́лие преше́ль еси́, Стефа́не, въ не́мже испроси́ на́мъ отъ Христа́ ве́лию ми́лость. **[Два́жды.]**

Сла́ва, и ны́нѣ, богоро́диченъ:

Красотѣ́ дѣ́вства Твоего́, и пресвѣ́тлой чистотѣ́ Твое́й, Гаври́иль удиви́ся, вопи́яше Ти́, Богоро́дице: ку́ю Ти́ похвалу́ принесу́ досто́йную? Что́ же возо́мену́ю Тя́? Не доумѣ́ваю и ужа́саюся. Тѣ́мже, я́ко повелѣ́нь бѣ́хъ, вопи́ю Ти́: ра́дуйся, Благода́тная.

**По поліеліи сѣдалень, гласъ 8. Подобень:
Повелѣнное.**

Повелѣнія Божественнаго ученія, пріемъ въ разумъ первѣе, страхъ Божій вселилъ еси въ тя, имже окормляемъ, стезю правую не погрѣшилъ еси, еюже шествуя, во обители праведныхъ вшелъ еси, съ нимиже проси поющимъ тя смиреніе, яко да благодарно поемъ ти, мудре: радуйся, Стефане пребогате. **[Дважды.]**

Слава, и нынѣ, богородичень:

Повелѣнное тайно пріемъ въ разумъ, въ кровѣ Іосифовѣ тщаніемъ предста безплотный, глаголя Неискусобрачнѣй: Приклонивый схожденіемъ небеса вмѣщается неизмѣнно весь въ Тя. Егоже и видя въ ложеснахъ Твоихъ, пріемша рабій зракъ, ужасаюся звати Тебѣ: радуйся, Невѣсто неневѣстная.

**Степенна, 1-й антифонъ 4-го гласа.
Прокимень гласъ 4: Честна предъ
Господемъ* смѣрть преподобныхъ Его. Стихъ:
Что воздамъ Господеви о всѣхъ, яже воздаде
ми? Всякое дыханіе да хвалить
Господа... Евангеліе отъ Матѳея, зачало 43.**

По 50-мъ псалмѣ стихира, гласъ 6:

Иже благодатию Пресвятаго Духа, избранный ликъ днесь составляше, пѣснь новую воспоймъ,

празднолю́бцы, па́мять сотворя́юще
преблаже́ннаго Стефа́на, въ не́йже соше́дшеся,
Спа́са возвели́чимъ, и торже́ство весе́ло
моле́бнику Его́ принесёмъ, я́ко иму́щему
дерзнове́ние у Царя́ сла́вы, и моля́щуся изба́вити
вре́да всяка́го отъ души́ сла́вящихъ того́.

**Кано́ны три́: кано́нь Богоро́дицы [со
ирмосо́мъ] на 6, и свята́го два́ канона́ на 8.**

Кано́нь Богоро́дицы, гла́сь 8.

Пѣснь 1.

Ирмо́сь: *Во́ду проше́дъ, я́ко сѹшу, и
египетска́го зла́ избѣ́жавъ, израильтянинъ
вопя́ше: Изба́вителю и Бо́гу на́шему по́ймъ.*

Мно́гими содержи́мъ напа́стьми, къ Тебѣ́
прибѣ́гаю спасе́нія искі́й, о Ма́ти Сло́ва и Дѣ́во!
отъ тяжкихъ и лю́тыхъ мя спаси́.

Страсте́й мя смуща́ють прило́зи, мно́гаго
уны́нія испо́лнити мою́ ду́шу: умири́,
Отрокови́це, тишино́ю Сы́на и Бо́га Твоего́,
Всенепоро́чная.

Спа́са ро́ждшую Тя и Бо́га, молю́, Дѣ́во,
изба́витися ми лю́тыхъ: къ Тебѣ́ бо ны́нѣ
прибѣ́гая, протира́ю и ду́шу и помышле́ние.

Недугу́юща тѣломъ и душе́ю, посѣ́щенія
Божество́ннаго, и промы́сленія отъ Тебе́
сподо́би, еди́на Богома́ти, я́ко Благо́я, Благо́го
же Родите́льнице.

Канонъ святаго, гласъ 2.

Пѣснь 1.

Ирмосъ: Во глубинѣ постла иногда фараонитское всевоинство преоруженная сила, воплощающееся же Слово всезлбный грѣхъ потребило естъ, препрославленный Господь, славно бо прославися.

Глубинѣ утишивъ моего помышленія, Христе, низпосли сердцу моему свѣтъ Твоего богоразумія, яко да возмогу разумно воспѣти Стефанова, яже въ житіи, исправленія.

Отъ младенства обрѣтесе сердце твое Пресвятаго Духа чистое жилище, Стефане преподобне, Имже укрѣпляемъ, возмогъ еси разумно преплыти житейское море, волнами непогружаемъ тщеставія.

Въ тишинѣ бывъ жизни вѣчныя, Стефане преподобне, непрестанно молися Христу о мирѣ міра, и о спасеніи душъ, сердечною любовію воспѣвающихъ Христу Богу: Препрославленный Господь, яко прославися.

Богородиченъ: Младенца родила еси, Отцѣ и Пресвятому Духу соприносущна и сопрестольна, Маріе Богоневѣсто, тѣмже дерзновеніе, яко Мати, къ Немѣ имѣючи, утверди умъ мой въ тишинѣ, воспѣвати Творца моего: препрославленный Господь, яко прославися.

**Другій канонъ, пренесенію свѣтѣхъ мощей,
гласъ 4.
Пѣснь 1.**

Ирмосъ: *Отверзу уста моя, и наполнятся
Духа, и слово отрыгну Царицу Матери, и
явлюся, свѣтло торжествуя, и воспою, радуясь,
Тоя чудеса.*

Отверзстѣй бывши честнѣй рацѣ преподобнаго
твоего тѣла, Стефане блаженне, мѣры
благонныя внушаютъ обстоящи, и дивятъ
зряще тя цѣла, нерушима, Христу, сохранившу
тя, воспѣвающа Того со Отцемъ и Духомъ.

Христовъ храмъ одушевленъ бысть сердце
твое, во храмъ бо Богоматере тѣломъ честно
положился еси, духомъ же во обителехъ
праведныхъ, съ преподобными ликуя, съ
нимиже молися о воспѣвающихъ тя вѣрою.

Исправленіе твоего жительства Богу
объявляюще, въ ноци свѣтолучнѣй зарѣ, яко
молнии, возсіявшей надъ ракою цѣлебнаго твоего
тѣла, Стефане, преподобныхъ сожителю.

Богородичень: Храмъ чистоты бывши и
пріятелище Единаго отъ Троицы Царя Христа,
Пречистая Владычице, тѣмже и мене, во храмъ
Твоёмъ хвалящаго Тя, содѣлай чистое
пріятелище Свѣтѣхъ Троицы.

Катавасія: *Отверзу уста моя...*

ПѢСНЬ 3.

Ирмосъ: *Небѣснаго кру́га Верхотворче, Го́споди, и Цѣркве Зиждителю, Ты́ мене́ утверди́ въ любви́ Твоей, желаній краю́, вѣрныхъ утвержде́ніе, еди́не Человѣколю́бче.*

Предста́тельство и покрóвъ жи́зни моея́ полагаю́ Тя, Богороди́тельнице Дѣ́во, Ты́ мя окорми́ ко приста́нищу Твоему́, благихъ ви́новна, вѣрныхъ утвержде́ніе, еди́на Всепѣ́тая.

Молю́, Дѣ́во, душе́вное смущѣ́ніе, и печа́ли моея́ бу́рю разорити́: Ты́ бо, Богоневѣ́стная, нача́льника тишины́ Христа́ родила́ еси́, еди́на Пречистая́.

Благодѣ́теля ро́ждши, до́брыхъ ви́новнаго, благодѣ́янія бога́тство всѣ́мъ источи́: вся́ бо мо́жеши, я́ко си́льнаго въ крѣ́пости Христа́ ро́ждши, Богоблаже́нная.

Лю́тыми неду́ги и болѣ́зненными страстьми́ истязáему, Дѣ́во, Ты́ ми помози́: исцѣ́леній бо неоску́дное Тя знаю́ сокрови́ще, Пренепоро́чная, неизживáемое.

Инъ.

Ирмосъ: *Процвѣ́ла е́сть пусты́ня я́ко кринъ Го́споди, язы́ческая неплодя́щая цѣ́рковь, пришѣ́ствіемъ Твои́мъ, въ не́йже утверди́ся мое́ се́рдце.*

Цвѣту́щъ умъ имѣлъ еси́, взирани́емъ къ Бо́гу, Стефа́не блаже́нне, къ Немуже ны́нѣ моли́ся, свободи́ти насъ мы́сленнаго трево́лненія, я́ко да въ ти́шинѣ глубо́цѣ радостно воспѣ́ваемъ: нѣсть свя́тъ, я́ко Бо́гъ нашъ, и нѣсть пра́ведень, па́че Тебе́, Го́споди.

Глаго́ломъ живото́нымъ внима́я, Стефа́не досточу́дне, и́же въ зако́нѣ и благода́ти пра́вдою просія́вшимъ благоче́стно ревну́я, вла́сть вре́менную презира́я, и къ бога́тству се́рдца неприлага́я, но любви́ю вопія́: нѣсть свя́тъ, я́ко Бо́гъ нашъ.

Пра́ведна и непоро́чна, уста́ Божество́нная именоваша́ и́же въ зако́нѣ Іова: во благода́ти Стефа́нъ пра́вдою того́ и благоче́стіемъ подража́я, вѣ́рою же пра́вою и благоче́стіемъ и́стиннымъ па́че того́ дивнѣ́йшій бы́сть, тѣмже съ нимъ воспѣ́ваемъ: нѣсть свя́тъ, я́ко Бо́гъ нашъ.

Богородиче́нь: Ты́ вели́кое дарова́ние, едина́ Благослове́нная, сподо́билася еси́ бы́ти: вы́ше естества́ бо, Богоневѣ́сто, Невмѣсти́мага во чре́вѣ понесла́ еси́, Вопло́щшагося Сло́ва Бо́жія, тѣмже Ти́ зове́мъ: нѣсть непоро́чны, па́че Тебе́, Влады́чице.

Инь.

Ирмо́сь: Твоя́ пѣсносло́вцы, Богоро́дице, живы́й и незави́стный Исто́чнице, ликъ Себѣ совоку́пльшия, духо́вно утверди́, въ божѣ́ственнѣй Твоей сла́вѣ, вѣнцевъ сла́вы сподо́би.

Твоихъ добродѣ́телей мно́жества не возмога́ю умо́мъ воспѣ́ти, Стефа́не пра́ведне, я́же по кончи́нѣ твоей Чело́вѣколю́бець Госпо́дь, исцѣ́леніемъ недугующихъ, прикоснове́ніемъ моще́й, просла́ви.

Дре́вле Іосифъ цѣ́ломудрствовавъ, житницами Египетъ препита́въ, и сродника́мъ познанъ бы́сть. Стефа́нъ же въ послѣ́днія ро́ды, алчу́щія препита́въ, Ца́рю вся́ческихъ присво́ися.

Лю́діе Израильсти́и иногда́ прехо́дятъ Чермно́е мо́ре, ко́сти Іосифовы нося́ще: мы́ же во благода́ти, но́вый Израиль, лю́діе Бо́жіи, Стефа́новы мо́щи любове́ю цѣ́лующе, мо́ре мы́сленное житі́я сего́ прехо́димъ немо́крено.

Богоро́дичень: Волна́ обурева́етъ мя́ мы́сленная и печа́ли житі́я пото́пляютъ мой у́мъ во глубину́ уны́нія, тѣ́мже припадаю́ Ти, Влады́чице, озари́ мой у́мъ свѣ́томъ богоразу́мія и пода́ждь се́рдцу моему́ частая́ воздыха́нія.

Съдаленъ, гласъ 4. Подобень: Удивися Іосифъ.

Милостивенъ нравъ и вѣру благочестиву, любовь же нелицемѣрну и надежду тверду, имѣлъ еси отъ юности ко Господу, Стефане, сего ради восхваляемъ твоихъ добродѣтелей умноженія, яко не вознесся еси властію скоро переходящею, Царствія ради непроходимаго, и не повредилъ еси доблести душевныя сластію житія красною, жизни ради будущія. Тѣмже молися Христу Богу и намъ жителемъ быти небеснымъ.

Другій съдаленъ, гласъ [4]. Подобень тойже.

Сіянія Божественнаго внутрь исполнися, солнечныхъ лучъ множайшею зарею, исцѣленіе отъ святаго тѣла простерлъ еси, бѣсы отъ человекъ отгналъ еси и недуги различныя врачевалъ еси. И нынѣ Царю силъ предстоя, Стефане, небесныхъ благъ намъ ниспослати молися, вѣрою почитающимъ свѣтоносный день памяти твоея.

Слава, и нынѣ, богородичень:

Удивися Іосифъ, еже паче естества зря и внимаше мыслію, иже на руно дождь, въ безсѣменномъ зачатіи Твоёмъ, Богородице, купину, огнемъ неопалимую, жезлъ Аароновъ прозябшій, и, свидѣтельствуя, обручникъ Твой и хранитель священникомъ взываше: Дѣва

раждаётъ и по Рождествѣ паки Дѣва пребываетъ.

Пѣснь 4.

Ирмосъ: *Услышахъ, Господи, смотренія Твоего таинство, разумѣхъ дѣла Твоя и прославихъ Твое Божество.*

Страстей моихъ смущеніе, кормчию рождшая Господа, и бурю утиши моихъ прегрѣшеній, Богоневѣстная.

Милосердія Твоего бездну призывающу подаждь ми, Яже благосердаго рождшая, и Спаса всѣхъ поющихъ Тя.

Наслаждающися, Пречистая, Твоихъ дарованій, благодарственное воспѣваемъ пѣніе, вѣдуще Тя Богоматерь.

На одрѣ болѣзни моея, и немоци низлежащу ми, яко благолюбива, помози, Богородице, единая Приснодѣво.

Инъ.

Ирмосъ: *Пою Тя, слухомъ бо, Господи, услышахъ и ужасохся: до мене бо идеши, мене ища, заблуждшаго. Тѣмъ многое Твое снизхожденіе, еже на мя, прославляю, Многомилостиве.*

Поюще свѣтло и воспѣвающе весело, торжествуемъ духовно въ памяти праведнаго

Стефа́на, просла́вляемъ Христа́ Бо́га немолчными пѣ́снями, взыва́юще: сла́ва си́лъ Твое́й, Го́споди.

Талантъ, да́нный ти, усугуби́лъ еси́, а́лчущія напита́въ, си́рыхъ и вдови́ць предста́тель бы́въ, сего́ ра́ди чаеши отъ Влады́ки Жизнода́вца восприя́ти черто́гъ неразруши́мый съ ли́ки пра́ведныхъ, съ ни́ми же вопія́: сла́ва си́лъ Твое́й, Го́споди.

Проповѣ́дникъ божество́нный, дѣ́лы сло́во исполня́я, пло́дъ духо́вный въ се́рдцѣ мно́жайшей имѣ́я, бла́гость со благосты́нею, и милосе́рдие съ кро́тостію, пѣ́ніе со благодарѣ́ніемъ, Стефа́не, вопіе́ши Христу́ Бо́гу: сла́ва си́лъ Твое́й, Го́споди.

Богородичень: **Б**езплотныхъ чи́нове, ли́къ божество́нныхъ апосто́ль, проро́ковъ сосло́вие, и му́ченичестіи собо́ри, преподо́бныхъ и пра́ведныхъ совокупле́нія, дивя́тся Рожде́ству́ Твоему́, Пречи́стая, съ ни́миже моли́ся умири́ти нашу́ жи́знь.

Инь.

Ирмосъ: *Съдѣй въ сла́вѣ на Престо́ль Божества́ во облацѣ́хъ ле́гцѣхъ, при́де Иису́съ Пребожество́нный, Нетлѣ́нною Дла́нію и спасе́ зову́щія: сла́ва, Христе́, си́ль Твое́й.*

Вопія́ху съ радостію прише́дшии му́жие благоговѣ́йнии, восприя́ти многоцѣ́нный би́серъ,

твою́ честную́ раку́, ага́ряномъ нача́льнику:
даждь́ намъ́ еже́ обрѣ́ль еси́, Бо́гомъ явле́нное
сокро́вище, Стефа́на преподо́бнаго.

Свѣ́томъ небѣ́снымъ осія́нь свѣ́ше бѣ́въ,
арома́ты сладково́нныя пода́ль еси́, отве́рсту
бѣ́вшу ковче́гу цѣ́лѣбнаго твоего́ тѣ́ла, и болѣ́знию
оде́ржимыя чело́вѣки дѣ́вно уврачева́ль еси́, сего́
ра́ди ве́село Христо́ви вопія́ху: сла́ва си́ль Твое́й,
Го́споди.

Мо́лнія свѣ́толу́чная отъ небѣ́сь низпосла́ся,
зрѣ́ниемъ огнепа́льная явля́ется, и блиста́ниемъ
показу́еть лежа́щее въ землі́ тѣ́ло неруши́мо
Стефа́на пра́веднаго.

Богородиченьъ: Свѣ́тоно́сная ски́ние Царя́ и
Бо́га, Мари́е Чи́стая, разжени́ о́блакъ моего́
уны́нія, и утиши́ волну́ стра́тнаго моего́
помышле́нія, я́ко да возмо́гу бо́дренно воспѣ́ти
безсѣ́менное Твое́ Рождество́.

Пѣ́снь 5.

Ирмо́съ: *Просвѣ́ти на́съ повелѣ́ніи Твои́ми,
Го́споди, и мы́щцею Твое́ю висо́кою Тво́й ми́ръ
пода́ждь намъ́, Чело́вѣколю́бче.*

Испо́лни, Чи́стая, весе́лія се́рдце мое́, Твою́
нетлѣ́нную даю́щи ра́дость, весе́лія ро́ждшая
вино́внаго.

Избави насъ отъ бѣдъ, Богородице Чистая, вѣчное рождши избавленіе, и миръ всякъ умъ преимущій.

Разрѣши мглу прегрѣшеній моихъ, Богоневѣсто, просвѣщеніемъ Твоея свѣтлости, Свѣтъ рождшая Божественный и превѣчный.

Исцѣли, Чистая, души моея неможеніе, посѣщенія Твоего сподобльшая, и здравіе молитвами Твоими подаждь ми.

Инь.

Ирмосъ: *Просвѣщеніе во тмѣ лежащихъ, спасеніе отчаянныхъ, Христѣ Спасе мой, къ Тебѣ утренюю, Царю міра, просвѣти мя сіяніемъ Твоимъ, иногѣ бо развѣ Тебѣ Бога не знаю.*

Просвѣтительную зарю во умѣ пріемъ, Стефанъ пречудный мудрымъ дѣвамъ подобяся, и свою лампаду милостивнымъ дѣланіемъ уясни, съ ними внѣ чертога Христова внѣти сподобися.

Молитвы частыя и моленія множайша Царѣви силъ возсылаеть Стефанъ блаженный, тѣмже страшенъ во бранѣхъ супротивнымъ является.

Саномъ міродержанія дарованъ бывъ, смиренномудріемъ же опоясанъ, благочестіемъ одѣянъ и страхомъ Божественнымъ огражденъ, Стефанъ вопіяше: Христѣ, Спасе мой, просвѣти

мя сіяніемъ Твоимъ, ино́го бо развѣ Тебѣ Бо́га не
знаю.

Богородиченъ: Дѣво Чистая, рожда́шая
Влады́ку и Бо́га моего́, Ему́же всегда́ моли́ся,
низпосла́ти се́рдцу моему́ Божѣ́ственное
умиле́ніе, и уму́ моему́ смиренному́дріе, во хра́мъ
Твоёмъ зову́щу: развѣ Тебѣ Предста́ельницы
твёрдыя не знаемъ.

Инъ.

Ирмо́сь: Ужасо́шася *всяческая* о
Божѣ́ственнѣй сла́вѣ Твое́й: Ты́ бо,
неискусобра́чная Дѣво, имѣ́ла еси́ во утробѣ́
надъ всѣ́ми Бо́га, и родила́ еси́ Безлѣ́тнаго Сы́на,
всѣ́мъ, воспѣ́вающимъ Тя́, ми́ръ подава́ющая.

Удиви́шася вои́нства ага́рянская, зря́ще чу́дно
видѣ́ніе: тѣ́ло твоѣ́ неразруши́мо въ землі́
сохранѣ́нно Божѣ́ственною си́лою. Ты́ бо
непоро́чно и пра́ведно жи́знь твою́ сконча́ль еси́,
Стефа́не, цѣ́лѣбниче неду́гующихъ.

Непото́плень тщесла́віемъ преше́дъ пу́ть
житія́, по кончи́нѣ сподо́бился еси́ жела́емаго
тобою́ наслажде́нія, ду́хомъ въ нѣдрѣ́хъ
Авраа́млихъ обита́я, тѣ́ломъ же неду́говъ
исцѣ́ленія подава́я, Стефа́не приснопа́мятне.

Оби́тель Пресвята́го Ду́ха се́рдце твоѣ́ бѣ́вши,
и Сего́ Божѣ́ственнымъ ма́ніемъ невреди́мъ
сохрани́лся еси́, тѣ́мже во хра́мъ Богома́тере

положився, въ нёмъ благоуханія мвро
изливаеши, язвы омывающее.

Богородичень: *Потопляетъ мой умъ волна
належащая тяжкаго унынія, и буря скверныхъ
помышленій приражается душевнѣй моеѣ
храминѣ, простерши руку помощи, Пречистая
Владычице Богомати, ко пристанищу вышняго
Царствія возведи мя.*

Пѣснь 6.

Ирмосъ: *Молитву пролию ко Господу и Тому
возвещу печали моя, яко золь душа моя
исполнися и животъ мой аду приближися, и
молюся, яко Іона: отъ тли, Боже, возведи мя.*

Смерти и тли яко спасль есть, Самъ Ся издавъ
смерти, тлѣніемъ и смертію мое естество ято
бывшее, Дѣво, моли Господа и Сына Твоего,
враговъ злодѣйствія мя избавити.

Предстательницу Тя живота вѣмъ, и
хранительницу тверду, Дѣво, и напастей
рѣшащу молвы, и налоги бѣсовъ отгоняющую: и
молюся всегда, отъ тли страстей моихъ избавити
мя.

Яко стѣну приближца стяжахомъ, и душъ
всесовершенное спасеніе, и пространство въ
скорбехъ, Отроковице, и просвѣщеніемъ Твоимъ
присно радуемся: о Владычице, и нынѣ насъ отъ
страстей и бѣдъ спаси.

На одрѣ нынѣ немощствуяй лежѹ, и нѣсть исцѣленія плѣти моеѣ, но Бога и Спаса міру, и Избавителя недуговъ рѣждшая, Тебѣ молюся Благой: отъ тли недугъ возстави мя.

Инь.

Ирмосъ: *Въ безднѣ грѣховнѣй валяяся, неизслѣдную милосердія Твоего призываю бездну: отъ тли, Боже мя возведи.*

Непостижимую глубинѹ Божія смотрѣнія умомъ взирая, и евангельскимъ глаголомъ добрѣ внимаю, отцепреданный уставъ чѣстно соблюдаеши, Стефане, рачителю цѣломудрія.

Мудросте и Сило Вышняго, избави насъ мрачнаго діаволя нанесенія, и отъ человекъ тлетворнаго лютаго языковредія, молитвами Твоего угодника Стефана.

Сокровища сѣмень земнорасленныхъ истощевая, и сѣмя духовное въ сердце сокровиществуя Стефанъ блаженный: алчущія питаю, нагія одѣвая, желая согрѣянь быти въ лонѣхъ Авраамлихъ.

Богородичень: **Маріе,** Госпожѣ, Пречистая Владычице, на руку Твоею понесла еси Содержащаго горстію всяческаго, и млекоу питаю еси, манну Одождившаго Израилю древле въ пустыни, Того моли, Богородице, да

ми́лостивъ ми́ будетъ въ дѣнь сѹднѹй, Исꙋсъ
Человѣколюбець.

Инъ.

Ирмосъ: *Божѣственное сіе и всечестное
совершающе прѣзднество, богомꙋдріи,
Богоматере, приидіте, рукамі восплецимъ,
отъ Нея рождшагося Бога славимъ.*

Совершенъ разумъ еще въ юности о Бозѣ
стяжавъ, правдою и благочестіемъ, и
Божественнаго закона испытаніемъ, подражая
великаго во царѣхъ Константина, иже во
христианѣхъ первосіявшаго.

Полцы иночестіи радостно ликꙋюще, честнꙋю
раку усрѣтаху, и съ веселіемъ рукамі подымаху,
сладковоннаго мѣра насыщающесея,
достохвальныя пѣсни поюще Христу, Богу
нашему, намъ тебе даровавшему, Стефане,
красото наша.

Просіавъ дѣлы благими и скончавъ непорочно
теченіе, дꙋхомъ въ чертозѣ праведныхъ
водворися, тѣломъ же во гробъ положенъ,
маніемъ Вседѣтеля отъ гроба является, и яко
даръ многоцѣненъ Цѣркви даровася, Стефанъ,
угодникъ Христовъ.

Богородиченъ: **Ч**ертогъ и двѣрь еси,
Богородице Дѣво, тѣмже отвори ми двѣри
искренняго покаянія, приводящи мя ко вратомъ

небеснаго Царствія, укроти́ сопротивныя вѣтры лютаго моего унынія, да въ тишинѣ пою́ Творца моего и Господа.

Кондакъ, гласъ 2. Подобенъ: Вышнихъ ища́.

Вышняго желаніемъ прославляя, и Той ты въ пами́ти, праведне, прославляе́тъ. Восхожде́ніемъ добродѣтелей совершилъ еси́ ду́шу, премудре́ святе Стефане, на земли́ непорочно житіе совершивъ, Зиждителю всѣхъ благоудилъ еси́: моли непреста́нно о всѣхъ насъ.

Икосъ:

Языкомъ проглаголати непостизаю, и умомъ недоумѣваюся, невѣжда сый, но, Иже умудривый рыболовцы и невѣжды уловити мрежею Божественнаго проповѣданія вселенную, подаждь ми́ преподобнаго Твоего дѣянія чисто разумѣти, и бодренно смотре́ти, радостно же глаголати такова́я: раду́йся, отрасли, прозябшая отъ ко́рене благовѣрна; раду́йся, вѣтве, имѣющая цвѣтъ богоразумія; раду́йся, возвраще́ніе цѣломудрія; раду́йся, благочестія дивный рачителю; раду́йся, вдовъ и сирыхъ чудный промыслителю; раду́йся, алчущихъ сладкій питателю; раду́йся, во бранѣхъ непобѣдимая храбросте; раду́йся, яко свѣше осіяніемъ явилъ еси́; раду́йся, яко зрѣніемъ многія ужасилъ еси́; раду́йся, яко бѣсы

отъ челоуѣкъ отгналъ еси; радуйся, яко исцѣленія многая подалъ еси. Радуйся, Стефане, яко Зиждителю твоему благоугодилъ еси: моли непрестанно о всѣхъ насъ.

Пѣснь 7.

Ирмосъ: *Отъ Іудеи дошедше, отроцы, въ Вавилонъ иногда, вѣрою Троическою пламень пещный попраша, поюще: отцевъ Боже, благословенъ еси.*

Наше спасеніе якоже восхотѣлъ еси, Спасе, устроить, во утробу Дѣвыя вселился еси, Юже міру представительницу показалъ еси: отецъ нашихъ Боже, благословенъ еси.

Волителя милости, Егоже родила еси, Мати Чистая, умоли избавитися отъ прегрѣшеній, и душевныхъ сквернъ, вѣрою зовущимъ: отецъ нашихъ, Боже, благословенъ еси.

Сокровище спасенія, и источникъ нетлѣнія, Тя рождшую, и столпъ утвержденія, и дверь покаянія зовущимъ показалъ еси: отецъ нашихъ Боже, благословенъ еси.

Тлѣсныя слабости и душевныя недуги, Богородительнице, любовію приступающихъ ко крову Твоему, Дѣво, исцѣлити сподоби, Спаса Христа намъ рождшая.

Инь.

Ирмо́сь: *Образу златому на по́ль Деи́ръ служи́му, три́е Твои́ о́троцы небрего́ша безбо́жнаго вель́ня, посредѣ́ же огня́ ввержени, ороша́еми, пояху: благословенъ еси, Бо́же оте́ць нашихъ.*

Внима́я слы́шанію Боже́ственного гла́са и про́повѣди свяще́ннаго Ева́нгелія, препита́въ житницами а́лчуція, подобно дрэ́внему Іосифу, и ризами одѣ́вая на́гія, якоже Іовъ Авситиді́йскій, Стефа́нь преподо́бный, съ ними́же вопія́: благословенъ Бо́гъ оте́ць нашихъ.

Моли́твы и ми́лостыни къ Бо́гу ча́сть посыла́етъ Стефа́нь, подража́я свяще́ннаго Корни́лія, и въ до́мъ прие́мля му́жи, свяще́нствомъ и добродѣ́телю сія́ющія, и отъ нихъ навча́емъ, вопія́ше Христу́: благословенъ Бо́гъ оте́ць нашихъ.

Якоже о́нь, а́нгеловымъ увѣща́ніемъ, призыва́етъ верховнаго во апо́столѣхъ увѣдѣ́ти и́стину, тако и Стефа́нь серде́чнымъ желаніемъ, испыту́я сте́зи пра́выя, глаго́лаше: благословенъ Бо́гъ оте́ць нашихъ.

Богоро́дичень: **Н**евеще́ственного Свѣ́та селеніе, Твоя́ утроба, Пречи́стая Госпоже́, бы́сть, свѣ́тлость мі́ру Бо́жія ра́зума подаде́, безбо́жіе прогна́вши, еди́на Богома́ти Влады́чице.

Инь.

Ирмосъ: *Не послужиша твари богомудри, паче Создавшаго, но, огненное прещеніе мужески поправше, радовахуся, поюще: препѣтый отцевъ Господь и Богъ, благословенъ еси.*

Несытною любовію священни мужіе раку честную подымлюще и руками движуще, благодарственныя пѣсни Господеви воспѣваху: препѣтый отцевъ Господь и Богъ, благословенъ еси.

Людѣмъ множайшимъ сумнящимся о твоѣмъ нерушимомъ тѣлеси, руку цѣлебную отъемлють, и съ нею постизаютъ царствующій градъ, и въ немъ тогда святительствующій извѣстно увѣдѣвъ бывше Божіе посѣщеніе, душею радовашеся, устнами лобызая, языкомъ же глаголаше: препѣтый отцевъ Господь и Богъ, благословенъ еси.

Дивяся твоѣму красному зрѣнію и благоуханію сладкому, святитель матери градовъ, хваляше во святыхъ почивающаго Бога: дивенъ еси во славу Господи, — глаголаше, — и чудна дѣла Твоя! И вопіяше: препѣтый отцевъ Господь и Богъ, благословенъ еси.

Богородиченъ: Пророковъ исполненіе, и апостоловъ дивное проповѣданіе, мучениковъ незыблемое утвержденіе, и святителей

благолѣпіе, иночествующихъ упованіе, и дѣвственниковъ цѣломудріе, Ты еси Владычице Богородице, и мнѣ буди, рабу Твоему, помощь и заступница.

Пѣснь 8.

Ирмосъ: *Царя Небеснаго, Егѡже поютъ вои ангельстїи, хвалите и превозносите во вся вѣки.*

Помощи яже отъ Тебѣ требующія, не презри, Дѣво, поющія и превозносящія Тя во вѣки.

Неможѣніе души моея исцѣляеши, и тѣлесныя болѣзни, Дѣво, да Тя прославлю, Чистая, во вѣки.

Исцѣленій богатство изливаеши вѣрно поющимъ Тя, Дѣво, и превозносящимъ неизрѣченное Твое рождество.

Напастей Ты прилоги отгоняеши, и страстей находы, Дѣво: тѣмже Тя поемъ во вся вѣки.

Инъ.

Ирмосъ: *Въ пещь огненную ко отрокомъ еврейскимъ снишедшаго и пламень въ росу преложшаго Бога, пойте дѣла яко Господа, и превозносите во вся вѣки.*

Орошаемъ свѣше Духа Пресвятаго росюю, и бразды сердечныя плодоносны имѣя, духовная сѣмена и богодохновенная словеса объёмъ, жизни нестарѣющіяся, и съ ликостояніи

праведныхъ вопія Стефанъ: благословіте, вся дѣла Господня, Господа, и превозносите во вся вѣки.

Храмину душевную утвердивъ не на печцѣ, но на твердомъ камени Христова разумѣнія, вѣтромъ мысленнымъ и волнамъ житейскимъ, приразившимся ей, соблюлъ еси сію непоколебиму. Нынѣ въ радости ликуя, Стефане, зовѣши: благословіте, вся дѣла Господня, Господа, и превозносите во вся вѣки.

Златникъ, егѣже пріялъ еси отъ Владычнія десницы, Стефане, умножилъ еси, тѣмже чаеши слышати отвѣтъ благій отъ Судии праведнаго, егда приидеть во славу Своего Царствія, вопія: благословіте, вся дѣла [Господня], Господа, и превозносите во вся вѣки.

Богородичень: Маріе, златая кадильнице, Пресвятая Владычице Богородице, устави мысли моея колебаніе, якоже Сынъ Твой утишилъ естъ волны морскія, и исцѣли ума моего возвращеніе, якоже Онъ кровоточивую, да пою Ти, Пречистая: благословенъ Плодъ Твоего чрева.

Инъ.

Ирмосъ: *Отроки благочестивыя въ пеци Рождество Богородичо спасло естъ, тогда убо образѹемое, нынѣ же дѣйствуемое, вселенную*

всю́ воздвизаетъ ꙗ́кѣ Тебѣ́: Го́спода по́йте, дѣла́, и превозносите́ Его́ во вся́ вѣ́ки.

Содѣ́йствомъ Пресвята́го Ду́ха, мно́гая исцѣ́ленія быва́ютъ отъ свята́го тѣ́ла, бѣ́сы отъ челове́къ отбѣ́гаютъ, и я́звы различныя исчеза́ютъ, не могу́ще терпѣ́ти твоего́ обоня́нія, зда́вие же получа́ющіи воспѣ́вають: Го́спода по́йте, дѣла́, и превозносите́ Его́ во вся́ вѣ́ки.

Взѣ́мше мо́щи мѣроуханныя священни́и му́жіе, теко́ша пу́ть свой съ ра́дostí, псалмы́ и пѣ́сни божественныя пою́ще, хвалу́ возсыла́ху Христу́ Бо́гу: сла́ва Тебѣ́, Иису́се, Сы́не и Сло́ве Отца́ Безнача́льнаго, я́ко да́ль еси́ намъ пріяти сокрови́ще, бисера́ дражайшее.

Богоро́дичень: Ру́цѣ прилѣ́жно воздѣ́ваю и о́чи души́ моея́ къ Тебѣ́, Влады́чице, вѣсь содержи́мь различны́ми скорбѣ́ми, тѣ́плое заступле́ние Твое́ молю́, тѣ́мже въ немощны́хъ покажи́, Богоро́дице, бога́тство челове́колю́бія Твоего́.

Пѣ́снь 9.

Ирмо́сь: Вои́стинну Богоро́дицу, Тя́ исповѣ́дуемъ, спасе́нни Тобо́ю, Дѣ́во Чистая, съ безплотны́ми ли́ки Тя́ велича́юще.

То́ка слезъ мойхъ не отврати́ся, Я́же отъ всяка́го лица́ всяку́ слезу́ отѣ́мшаго, Дѣ́во, Христа́ ро́ждшая.

Радости мое сердце исполни, Дѣво, Яже радости пріемшая исполненіе, грѣховную печаль потребляючи.

Свѣта Твоего зарями просвѣти, Дѣво, мракъ невѣдѣнія отгонящи, благовѣрно Богородицу Тя исповѣдающихъ.

На мѣстѣ озлобленія немоци смирившагося, Дѣво, исцѣли, изъ нездравія во здравіе претворяючи.

Инъ.

Ирмосъ: *Безначальна Родителя Сынъ, Богъ и Господъ, воплощся отъ Дѣвы, намъ явися, омраченна просвѣтити, обрати расточенна, тѣмъ Всепѣтую Богородицу величаемъ.*

Отъ родительнаго наказанія вкоренилъ еси въ душу разумъ благовѣрія, и книжнымъ ученіемъ воспріялъ еси даръ Божественнаго умиленія, Стефане преподобне, всегда моли спасти насъ, твою память величающихъ.

О жизни настоящей небреглъ еси, разумѣвая, яко преходитъ, къ будущей притеклъ еси, яко ко пребывающей. Тѣмже въ ней свѣтлость Божественную созерцая, молися сію и намъ наследити, Христа величаючи.

Недоумѣвающе, како соплету вѣнецъ пѣнія, и возглашу Стефанова благодѣянія, и нѣсть ми разумѣти, кацѣхъ потребуеть похвалъ отъ моихъ

скверныхъ устенъ. Но, яже принесохъ ти со усердіемъ, пріими со благодію, предстоя Зиждителяю со дерзновеніемъ, помяни и насъ, хвалящихъ тя.

Богородичень: Владычице міра, благая Заступнице, пріими отъ насъ приносимое Ти хваленіе, якоже Сынъ Твой пріять двѣ лептъ вдовици, и подаждь намъ мирное житіе и единомысліе.

Инъ.

Ирмосъ: *Всякъ земнородный да възграется, Духомъ просвѣщаемъ, да торжествуетъ же безплотныхъ умовъ естество, почитающее священное торжество Богоматере, и да вопіетъ: радуйся, Всеблаженная Богородице, Чистая Приснодѣво.*

Земля не могуци утайти сокровища безцѣннаго, свѣту свѣше посылаему, и показующу въ ней лежащее тѣло Стефаново, тѣнїя не вкусившее, и повелѣніемъ Царя и Владыки отъ боку земнаго исходящее.

Слышавши супружница благовѣрія о твоёмъ обрѣтеніи, Стефане преблаженне, тяготу старости отложивши и благодаренія Богу воздавши, емлется путнаго шествія и приходитъ на согляданіе честнаго твоего тѣлесѣ. Очима же видѣвши и устнама лобызавше, немолчно

глаголаше: о сѣмъ, Христе́, Спа́се мой, величаю́ Тя.

Изнемога́етъ у́мъ мой стра́стный, мгло́ю покрове́нь тяжкаго уны́нія, принести́ Тебѣ́, Христе́ мой, гласъ хвалѣ́нія, но пода́ждь ми́ лучу́ умнаго осія́нія, да совершу́ пѣ́снь благодарѣ́нія, велича́я Стефа́нова кра́сная повѣ́данія.

Богоро́дичень: Пощади́ мя, Христе́, Спа́се мой, егда́ сядеши испытати сокрове́нная моя́ дѣ́янія, и сподо́би мя тогда́ десна́го Твоего́ предсто́янія, моли́ть Тя́ Дѣ́ва, чи́сто ро́ждшая Тя́, а́нгельстии́ чини, и свята́хъ мно́жества.

Свѣти́лень. Подобе́нь: Свѣ́те неизмѣ́нный.

Свѣ́тъ Триси́янный въ се́рдцѣ́ прие́мь, свѣ́томъ наста́вляе́мь уче́ній Правосла́вія, свѣ́тъ и Ду́ха, благода́тію просвѣ́щающаго́ тя, Стефа́не, свѣ́те прекра́сный.

Сла́ва, други́й. Подобе́нь: Ду́хомъ во
святи́лици.

Цѣ́рковь красу́ется и лику́етъ, ра́ку благоуха́нную въ себѣ́ иму́щи, я́ко неvě́ста игра́етъ, и Жениху́ своему́, Христу́, хвалѣ́нія пѣ́сни прино́ситъ, радосте́нь праздни́къ съ ча́ды свои́ми соверша́ющи.

И нынѣ, богородиченъ:

Совѣта великаго Ангела, Отца благоволеніемъ, и Святаго Духа наитіемъ, во утробѣ Твоей понесла еси, Богородице, Того моли сохранить достояніе, еже стяжа, Пресвятая Владычице.

На хвалитехъ стихиры на 4, гласъ 4.

Подобень: Званнй свѣше.

Свѣше пріемъ духовное осіяніе, егда прилѣжно испытоваше Священное Писаніе, душевную лампаду уяснилъ еси дѣлы благотворенія, и умную быстроту усладилъ еси раченіемъ цѣломудрія, чувства просвѣтилъ еси Божественнымъ желаніемъ. И тогда разумно увѣдѣлъ еси Извѣдшаго свѣтъ изъ тмы, Христа, Бога нашего, Егоже моли спасти и просвѣтити души наша. **[Дважды.]**

Иже Свѣтъ Трисіанный въ тя вселися, свѣше умудри тя въ Того познаніе, егда управляше житія твоего строеніе, тогда о будущихъ имѣлъ еси разумѣніе, и дѣланіемъ благимъ возжелалъ еси пріяти дерзновеніе, и ко Христу Богу стяжати присвоеніе, Егоже нынѣ моли спасти и просвѣтити души наша.

Иже свѣтлая луча отъ небесъ посылаема, надъ тобою, сіяючи, являшеса, егда земное покрывало тѣло твое содержаше, мановеніемъ же Божественнымъ свѣше показоваше, тогда

увѣдѣхомъ всѣ твоего богоразумія постиженіе, имже позналъ еси Извѣдшаго свѣтъ изъ тмы, Христа, Бога нашего, Егѣже моли спасти и просвѣтити души наша.

Слава, гласъ 1:

Всѣхъ удивляетъ твоего исправленія слышаніе, и всѣ прославляютъ Творца и Содѣтеля, Иже тобою, преподѣбне, таковая содѣлавша, яко отъ юности взыскалъ еси разумъ истинный, и пріялъ еси совершенства познаніе Божіаго благоволенія, тѣмже о судьбахъ нелицемерно утреневалъ еси, сирымъ и вдовицамъ заступникъ бывъ: алчущія напиталъ еси, и къ нищимъ десницу простерту имѣлъ еси, сего ради, Стефане святе, ждѣтъ тебе мздовоздаяніе отъ Христа Бога, Судіи праведнаго, и вѣнецъ небеснаго Царствія.

И нынѣ, богородичень:

Радуйся, Владычице, славо земныхъ, молящихся Тебѣ, радуйся, Давидова внуко, и Мати пречистая, Бога Вышняго рабо и ходатаице, чистоты пречистое обиталище, слава мучениковъ и утвержденіе, преподѣбныхъ и праведныхъ надежда и упованіе, и человекѣмъ всѣмъ спасеніе.

Славословіе великое. [Ектеніи] и отпусть.

НА ЛИТУРГИИ,

Блаженна отъ канона 1-го пѣснь 3-я на 4, и 2-го [канона пѣснь] 6-я на 4. Прокимень, гласъ 7: Честна предъ Господемъ* смѣрть преподобныхъ его. Стихъ: Что воздамъ Господеву о всѣхъ, яже воздаде ми? Апостоль, къ Коринѣяномъ, зачало 176: Братіе, Богъ рекій изъ тмы свѣту возсіяти... Аллилуія, гласъ 6: Блаженъ мужъ, бойся Господа, [въ заповѣдехъ Его восхощетъ зло]. Стихъ: Сильно на земли будетъ сѣмя его. Евангеліе отъ Матѳея, зачало 70: Рече Господь притчу сію: уподобися Царствіе небесное человеку домовицу, иже изыде купно утро няти дѣлатели въ виноградъ свой... Причастень: Въ память вѣчную будетъ праведникъ, [отъ слуха зла не убоится].

Источникъ: Книга Сѣрблякъ, содержащая въ себѣ богослужѣбная молебная правила святымъ сѣрбскаго рода. — Бѣлградъ, 1861. — Л. 16 – 23 об., 25 – 30 об.

